



中国经典名著

# 全宋词

(十)

刘 丰 褚为良 編集

学苑音像出版社

# 目 录

|           |    |
|-----------|----|
| 程大昌.....  | 员  |
| 曹 冠 ..... | 園  |
| 姚述尧 ..... | 源  |
| 管 鉴 ..... | 苑  |
| 陆 游 ..... | 怨  |
| 姜特立.....  | 员愿 |
| 周必大.....  | 员缘 |
| 范成大.....  | 员園 |
| 赵錡老.....  | 员远 |
| 王 质.....  | 園猿 |
| 沈 瀛.....  | 園園 |
| 杨万里.....  | 園猿 |
| 李 洪.....  | 園愿 |
| 沈端节.....  | 園園 |

## 程大昌

### 念奴娇

呈苏季真提举

冰容玉格，笑桃杏、非是闺帏装束。待要舒华那更管，朔气凝波僵木。五鬣山松，万年宫树，仅仅存余绿。一枝寄赠，教渠知道春复。

宁解车马成蹊，高标宜雪月，仍便溪谷。纵有知闻，谁办得、驾野凌寒秉烛。尽更荒闲，终难掩抑，风里香千斛。林垞兴尽，此时鼎味翻足。

### 浣溪沙

五首


干处缁尘湿处泥。天嫌世路净无时。皓然岩谷总凝脂。

清夜月明人访戴，玉山顶上玉舟移。一蓑渔画更能奇。

又

兽炭香红漫应时。遮寒姝丽自成围。销金

— 员 —



暖帐四边垂。

报道黑风飞柳絮，齐翻白雪侑羔卮。那家  
斟唱□□词。

又

翦水飞花也大奇。熬波出素料同机。会心  
一笑撒盐诗。

谁拥醴醕夸岁瑞，恨无坚白怨朝曦。闭门  
高卧有人饥。

又


始待空冬岁不华。还教呈瑞怨贫家。若为  
高下总无嗟。

日照华檐晴后雨，风吹飞絮腊前花。天公  
何事不由他。

又

水递迢迢到日边。清甘夸说与茶便。谁知  
绝品了非泉。

— 圆 —



旋挹天花融澹液，净无土脉污芳鲜。乞君风  
腋作飞仙。

## 万年欢

硕人生日

岁岁梅花，向寿尊画阁，长报春起。恰似  
今朝，分外香肥萼萼。杂佩珊珊就列，映蓝袂、  
宝薰擎跽。道这回、屋舍团栾，四时风月桃李。

回头处、无限思。看秋前药里，而今鼎七。  
须把康强，收作玳筵欢喜。况是鬓云全绿，顶  
珈笄、笑陪星履。新年动、定拥新祺，有孙来  
捧醪醴。

## 汉宫春

生日词

万六千年，是仙椿日月，两度阳春。根柯  
不随物化，那有新陈。戏夸悠久，借时光、惊  
觉时人。道历管，阶萤万换，悠然唤做逡巡。

老我百无贪羨，羡天芳寿种，掩冉三辰。  
谢他流年甲子，已是重轮。人间春狭，只九旬、  
斗柄标寅。更拟向，椿枝倚数，十分取一为真。

— 猿 —



## 好事近

生日词

日绎五千言，未说年龄可续。且得襟期萧散，远氛嚣宠辱。

鬓须白尽秀眉生，来伴老眸绿。人道雪霜林里，有翠松鲜竹。

## 减字木兰花

内子生日

距春五日。吉语搀先来饮席。易卦占新。八八周轮又再轮。

开年定好。定把笙歌更药里。旧怕无孙。今已蓝袍拥绣荪。


## 卜算子

园丁献海棠

春产不贪春，为厌春花泛。睡到深秋梦始回，素影翻春艳。

意赏逐时新，旧事谁能占。解转春光入酒杯，莼菊谁云欠。

— 源 —



## 感皇恩

七十在前头，难言未老。只是中间有些好。  
鬓云虽瘦，未有一根华皓。都缘心地静，无忧  
恼。

此际生朝，梅花献笑。似向天边得新报。  
孙枝秀雅，已挂恩袍春草。定从欢喜处，添年  
考。

## 又


池馆足名花，四时蔕馥。就里梅春春到速。  
周遭松竹，任是雪霜长绿。总堪供寿乐，翻新  
曲。

别向心田，有般奇木。依约灵椿共标目。  
八千换历，才当一番春复。莫辞春起处，酩浮  
玉。

## 万年欢

硕人生日

富寿康宁，要三般齐足，方是有福。献个  
— 缘 —



新词，不是越夸揆祝。七十古稀今独。花钗底、髻云堆绿。那堪更、眼力过人，彩丝穿透珠曲。

星辰履阶庭玉。对这般景趣，乐胜笙筑。更愿孙枝衮衮，诜诜续续。解把诗书勤读。新丹桂、会生旧竹。十年外、又颂生朝，恁时别换腔局。

### 韵令 硕人生日

是男是女，都有官称。孙儿仕也登。时新衣著，不待经营。寒时火柜，春里花亭。星辰上履，我只唤卿卿。

寿开八秩，两鬓全青。颜红步武轻。定知前面，大有年龄。芝兰玉树，更愿充庭。为询王母，桃颗几时赧。白乐天《开六秩诗》自注：年五十一岁，即曰开第六秩矣。言自五十一，即为六十纪数之始也。

### 折丹桂 端复受官 并序

通奉尝欲为先硕人篆帔，命为诗语，某献语曰：“诗礼为家庆，貂蝉七叶余。庭闱称寿处，童稚亦金鱼。”通

— 远 —



奉喜，自为小篆，缀珠其上。今此小孙端复以近制奏官，感记旧事，为词以歌之，曼往为弟姪一笑。

童年未晓君恩重。教得能趋拱。重亲带笑酌天杯，听祝语、殷勤捧。

青衫得挂尤光宠。桂是蟾宫种。诗书浓处便生枝，但只要、频浇壅。

## 水调歌头

并序

水晶宫之名，天下知之，而此邦图志，元不能主名其所。某尝思之，苔雪水清可鉴，邑屋之影入焉。而薨栋丹堊，悉能透现本象，有如水玉。故善为言者，得以袞撮其美而曰，此其宫盖水晶为之，如骚人之谓宝阙珠宫，正其类也。则岂容一地独擅此名也。兹承词见及，无以为报，辄取此意，稍加概括，用来况水调歌头为腔，辄以奉呈。若遂有取，可补地志之阙，不但持杯一笑也。

绿净贯闾闾，夹岸是楼台。楼台分影倒卧，千丈郁崔嵬。此是化人奇变，能使山巅水底，对出两蓬莱。溪浒有仙观，苔雪信佳哉。

水晶宫，谁著语，半嘲诙。世闲那有，如许磊砢栋梁材。每遇天容全碧，仍更苹风不动，相与夜深来。饮子以明月，净洗旧尘埃。



临江仙 和正卿弟生日词三首

遥认圉簏相应，为传珠贯累累。紫荆同本但殊枝。直须投老日，常似有亲时。

子姓亦闻多慧性，贪书不是痴儿。朝家世世重诗书。一登龙虎榜，许并凤凰池。

又

抗步碧潭弥弥，五畚青髻累累。何年乔木倚筇枝。搜寻同队者，追说钓游时。


今日昂藏称壮子，向来襁褓婴儿。年周甲子又重书。岂容藏老丑，照白有清池。

又

夹路传呼杳杳，垂腰印绶累累。万般荣贵出丹枝。遥知心乐处，椿畔桂当时。

酒到芳春偏弄色，轻黄泛滟鹅儿。大为行乐使堪书。醉来花下卧，便是习家池。

— 愿 —



## 好事近 硕人生日

绿鬓又红颜，谁道年周甲子。两鬓□□蓝绶，那一儿何虑。

只今卜筑水晶宫，归安好名义。金紫珎笄偕老，备长生福贵。

又

白屋到横金，已是蟠桃结子。更向仕途贪恋，是痴人呆虑。

水晶宫里饭莼鲈，中菰第一义。留得鬓须迟白，是本来真贵。


## 浣溪沙

钱万大卿。前一夜有月，此日不得用乐作

物本无情人有情。百般禽味百般声。有人闻鹊不闻莺。

我盍通神君信否，酒才著盏月随生。大家吸月当箫笙。

— 怨 —



## 万年欢

秋后花窠，放两枝三朵，来通芳信。诗眼惊观，谓是春光倒运。便即移尊就赏，更不惜、黄封赤印。何期道，青女专时，露华忽变霜阵。

诗翁笑、但休问。那阳和有脚，骎骎日进。待得灰飞，梅畹果先骋俊。次后连天红紫，向东风、万般娇韵。恁时节，玉勒狔鞍，郊原莫论远近。

## 感皇恩

生日示妹

身寿又康强，谢天将并。耳目聪明行步壮。登高挥翰，不用瞠眉扶杖。华堂偕老处，儿孙王。


只恨萍蓬，他乡浮荡。回首故山便惆怅。今年生日，忽似还家模样。当缘风絮韞，来麝唱。

## 又

代妹答

画舸白苹洲，如归故里。老幼欢迎僮婢喜。

— 画 —



较量心事，岁岁春风弧矢。今年称寿处，尤欢美。

嫁得黔娄，白乐天《代内子寄兄嫂》诗云：“嫁得黔娄为妹婿。”苦耽书史。文字流传曾贵纸。便同黼黻，何似实头龟紫。天公闻此语，应怜许。

又


某蒙惠和鄙作，谨再次韵。为闻对班在近，故有祝语。平生梦多验，此之心声，比梦又差有实也

变化属朝班，鲲鹏相并。健翼垂云风用壮。扶摇得势，不藉仙人仙杖。旁观生意气，犹神王。

此去汉庭，春光骀荡。亲见子虚不惆怅。鸢肩捷上，自有唐人格样。三台旬月里，堪歌唱。

又 中外三人受封

中外受郊恩，三封纶告。依并小君出称号。锦犀光艳，不比香薰脂膏。况从鸣瑟里，添花草。



更愿天公，别施洪造。水长船高愈新好。  
恁时舞带，一任巧装百宝。曲终珠满地，从人  
扫。

又

措大做生朝，无他珍异。填个曲儿为鼓吹。  
古来龙马，曾献河图真数。羲黄缘得此，齐元  
气。

我向如今，职名升赐。地在天宫正东序。  
当初真本，到此或容披觑。这回错综处，堪详  
叙。

又 生朝

七十有三番，挂弧门首。此事从来信希有。  
新来仕路，夸说一般高手。肯从清要地，抛簪  
绶。

何许分花，伊谁送酒。得开口时且开口。  
无烦无恼，也没期程奔走。但能安此乐，夷然  
寿。

— 圖 —



又 淑人生日词

锦告侈脂封，煌煌家宝。偕老之人已华皓。  
绿云拥鬓，更没一根入老。但从和醉看，年堪考。

叶是松苗，松为叶脑。稟得松神大都好。  
人人戴白，独我青青常保。只将平易处，为蓬岛。

又 姜通判生日词


一岁一生朝，一番老相。无欲无营亦无望。  
看经写字，且做闲中气象。闭门人闼静，心清旷。

骨肉团栾，一杯相向。野蕲家肴竞来饷。  
真情直话，不用逢迎俯仰。从他人笑道，不时样。

好事近 会姜彦发

桃柳旧根株，春到红蔫绿茁。一似老年垂

— 员猿 —



白，带少容鬢发。

浮家泛宅在他乡，难得会瓜葛。幸对此番乐饮，任宵分明发。

又 生日

盥水结冰花，老眼于今重见。一似琢成水玉，向冻盆游泛。

天公作事有何难，要花花便现。且把重春留住，变苍黎容面。

又

腊月做生朝，只有南枝梅玉。此外后生桃李，未舒英吐馥。

后园别自出神奇，现双松双竹。报道前堂琴瑟，俱长生厚福。

又 同日即事

岁岁做生朝，只是儿孙捧酒。今岁丝纶茶药，有使人双授。

— 源 —



圣君作事与天通，道有便真有。老去不能宣力，只民编分寿。

又

我里比侨居，不欠山青水绿。只恨风冲雁序，使分飞隈澳。

只今一苇视苕溪，见天伦雍睦。此去春浓絮起，应翻成新曲。

又 生朝纪梦

自涉希寿来，疑道无多岁月。昨夜风吹好梦，报前途康吉。

石桥坚壮跨黄河，不用资舟楫。管取身心安泰，阅椿龄千百。

### 减字木兰花

桑弧标吉。做了生朝逾七十。子又生孙。阶砌芝兰欲满门。

今年定好。春腊之交诞婴少。玉烛气中。

— 缘 —

